

Sakspapir

Sakshandsamar	Arkiv	ArkivsakID
Sveinung Toft	FA-L12, TI-&21	20/905

Saknr	Utval	Type	Dato
126/2020	Formannskapet	PS	15.12.2020

Mindre reguleringsendring for Liarinden - forenkla prosess - slutthandsaming

Vedlegg:

Journalposttittel	Dato
Liarinden - Føresegner godkjent 20.03.2013 - endringsdato 02.10.2020	07.12.2020
Plankart_Liarinden endring av 02.10.2020	07.12.2020
Søknad om reguleringsendring Liarinden dagsett 02.10.2020	07.12.2020

Rådmannen sitt framlegg til vedtak:

Framlegg til mindre reguleringsendring for Liarinden vert i medhald av plan- og bygningslova sin § 12-12 godkjent.

Det vert vist til vedlagde plandokument som ligg ved saka.

Saksopplysningar:

Bakgrunn og fakta:

Formannskapet handsama denne saka den 12.10.2020 i sak nr 089/20. Heile saksframlegget med vedtak er vist nedunder i kursivtekst. Deretter kjem nye opplysninger i saka som er kome til etter dette vedtaket.

«Bakgrunn og fakta:

Det er i brev dagsett 02.10.2020 kome inn ønskje om mindre reguleringsendring innanfor reguleringsplan for Liarinden sør for Mjangersvågen. Det er punkt 3.1.4 og 3.1.6 i føresegnene som er endra, sjå vedlegg.

*Tiltakshavar ynskjer å endre i plankartet frå **planeringshøgde** til **mønehøgde**. Dei nye høgdene er vist innanfor byggjegrensene på alle dei aktuelle tomtene.*

*Tiltakshavar ønskjer i tillegg å endre %-BYA for felta **BF01** og **BF02**. Her er det planlagt einebustader. Her er %-BYA i dag sett til 30 %. Tiltakshavar ynskjer å auke denne til 35% for å få større fleksibilitet*

sidan tomtene har ulik storleik.

Plankart utsnitt av 02.10.20



Vurdering

Endringane knytt til å nytta topp mønehøgde i staden for planert høgde vil kunne ha positive konsekvensar ved at ein på denne måten får større moglegheit til å tilpasse framtidige bustader betre i terrenget. Betre tilpassing vil samtidig gje mindre terrenginngrep. Dette vil og kunna gje betre tilpassing til framtidige vegar og tilkomst generelt sett innanfor planområdet. Vegane som er teikna inn i plankartet er ikkje bygd, og det er viktig at høgdene vert sett slik at terrenginngrepa vert tilpassa topografien i området. Planfremjar har nøyte vurdert planområdet med tanke på optimalisering av høgdene på kvar tomt, og rådmannen meiner dette er kurante endringar. Ved å nytta topp mønehøgde sikrar ein og at omsynet til nabotomtene internt i feltet, spesielt med tanke på sikt mot sjøen, vert ivareteke på ein god og pårekneleg måte. Det er heller ikkje andre interesser eller naboeigedomar som vil verta råka negativt av omsøkte høgdeendringar.

Planendringa gjeld og ønskjet om å endra utnyttingsgraden % BYA frå 30 til 35 % i felta BF01 og BF02. Med ei slik auke vil ein kunne oppnå større fleksibilitet i desse felta, sidan tomtene har ulik storleik. Med 35% vil ein kunne oppnå større variasjon i det som vert bygd.

Rådmannen meiner difor at begge desse endringane knytt til høgder og utnyttingsgrad er kurante og kan gjennomførast som ei mindre endring etter forenkla prosess.

Før det treffast endeleg vedtak skal forslag til endring som kjent sendes til råka myndigheiter, eigarar og festar av eigendomar som direkte vert råka av vedtaket og eventuelt andre råka parter, slik at disse får høve til å uttale seg. Dette må gjerest når

planforslaget er handsama i medhald av Plan- og bygningsloven § 12 – 14, 3. ledd, der det står:

Før det treffes slikt vedtak, skal saken forelegges berørte myndigheter, og eierne og festerne av eiendommer som direkte berøres av vedtaket, og andre berørte, skal gis anledning til å uttale seg.

Underretning av vedtak sendes til berørte myndigheter som har hatt merknader, og eiere og festere av eiendommer som direkte berøres av vedtaket.

Konklusjon

Rådmannen råår til reguleringsendringa vert sendt på avgrensa høyring i medhald av plan- og bygningslova sin § 12-14.3 ledd.

Formannskapet - 089/2020

FS - behandling:

Saka vart drøfta.

Framlegg til vedtak vart samrøystes vedteke.»

FS - vedtak:

Mindre reguleringsendring for Liarinden vert sendt på avgrensa høyring i medhald av plan- og bygningslova sin § 12-14.3 ledd. Det vert vist til plankart og føresegner med brev dagsett 02.10.2020.»

Nye opplysningar i saka:

Administrasjonen sende ut saka på avgrensa høyring i brev av 26.10.2020, med frist 23. november for å koma med merknad til endringa. Det er per dagsett dato berre kome merknad frå Vestland fylkeskommune i brev av 17.11.2020, som skriv at dei ikkje har vesentleg merknad til reguleringsendringa.

Vurdering

Rådmannen vil visa til at det er ingen som har vesentlege merknader til saka, og råår til at kommunestyret godkjenner reguleringsendringa som omsøkt i medhald av plan- og bygningslova sin § 12-12.

Formannskapet - 126/2020

FS - behandling:

Saka vart drøfta.

Framlegg til vedtak vart samrøystes vedteke.

FS - vedtak:

Framlegg til mindre reguleringsendring for Liarinden vert i medhald av plan- og bygningslova sin § 12-12 godkjent.

Det vert vist til vedlagde plandokument som ligg ved saka.